

耳
談
類
增

耳譚顥增序

唯楚齊才詞人代興大江以濱
疇尸牛耳王行父氏父擇飲而
孫伯固鼎峙爭雄旣夷隱金門
盲公多暇則以其餘力著彙耳
談耳譚者纓駭塵摩毒聞輿論

輒聽輒語隨語隨錄如耳與耳
相告報而我不煩緩頰也己家
寘一壘緼賢市中矣久出事曰
焚言曰夥見謂語次弗倫黜又
門分昞列俾各淡暈焉彘卷五
十孟卯不佞三復成編甲巳勸

手以戒可目捧腹手以證理手
以窺數手以多識而博物可目
解醒而卻睡涵然新吾目而犁
默當吾心也齊是哉而耳食者
拘常泥故反唇詆訛荅者不經
荅者息言荅者細碎而驟用若

者訛謬而匪實是黜歎矣孰知
去學者載籍極博典過攷信於
中藝畧論乎不悟怪而佞說理
之易載鬼一車笑情出詩箕翁
果舌褒譌貶惡出晉棧傳石言
人不象罔窮帝蝼蟻穀外以顯

中驚中畧吝種上具備故夫察
啻羊莠實出謠由耳順也透爽
始大千之叶根耳人也彼感墓
婢存而記搜神隨轡弄使而槩
亭字持其細者耳是編也資宴
客之談鋒補正史之闕漏宣室

虛其前席齊諧猶在下風以方
聖藉金口而木舌所不敢矜竄
者鼻祖之脊耳縣乎稗官野史
史云赤也謂火小爾編成行甫
方灸王史喉舌而不害賢其耳
視吾舌尚在乃余哆口失譚焉

於以聶肘耳出璵

皆

萬曆歲在癸卯睿王正月

楚年家多弟沙羨張文

光謨

耳談序

南新市友人李維楨撰

吾友王行公博學宏詞坎壈一第而以貴為上林丞需次都門久不奏除四方學士大夫慕行父名相過從締結之交者日衆

上下論議日聞所未聞行父手
筆其可喜可愕可勸可誡之
事累之若干卷而名之曰耳談
蓋昔人言仲尼作春秋辭有三
異所見異為所聞異辭所傳同
異辭而又有三諱為賢者諱

為親者諱為尊者諱父所
談自本朝以來傳聞之無而止然春
秋以褒貶代天子褒貶微文隱象
使五人習其讀而問其傳則未知
已之有罪焉爾行父之談出於稗
官其指非在褒貶歟常喜新

左讀之欣然膾炙適口而無所虞
罪故事不必盡數理不必盡言而
文亦不必盡端荀卿有言入乎耳
出乎口耳之間四寸耳何足以美
七尺之軀是行公移名譽也夫太上
立德其次立功其次立言舍德與

功又何足言者世有能言之士上不
得坐而論道謀王霸國其下不
得摠覽人物囊括古今修詞賦之
業而第猥離街談巷語以資杯
酒諧譚之用其言可謂不遇矣蘓
長公直道不容于朝小人至摘其文

字附致，罪竄逐禁錮備嘗險阻，于是使坐客為悠繆之談，鼓掌捧腹，以耗磨雄心而延永日。今所傳父子是已。長公謫黃久，沍風遺韻猶有存者。行父黃人，也是編其有所昉乎此。久士不遇之一徵已，雖然仲

尼嘗云託諸空言不若見諸行事
之深切著明也春秋以言為行事
率以空言等耳蘇長公之有艾
子行父之有耳誤又何怪焉

秀水陶冶書

耳譚引

行父耳談齊諧之流也其所紀載
事或不經語或不諱要之以銷清
曠之永日訓肆座之羣心則所命
耳談者近是余不識行父願讀其
書搜奇剔幽有人所共耳有人所未

耳事必曲盡其致而材亦副之間寄
憤惋玩世之旨其豪氣英々露於楮
表意必負奇瑰活之士不得於時而
聊以謔悠譁浪之意自快其生平者
昔阮步兵常以斗酒澆胸中磊塊
政亦不禁豪氣耳然步兵以酒行父

以耳其同其異世必有解之者而人
固訾之曰是多不核嗚呼行父不云乎
耳談也而烏乎以信史例也夫耳而目
之則傳信耳而耳之則傳疑在所自
擇行父不為政也行父明寓意於耳而
世固無解人則足為行父捧腹耳夫然

王言類考
故行父之耳其不如步兵之酒矣山陰
張汝霖漫書

耳譚引

王行父所撰耳談派蓋出齊諧云余讀而笑曰夫耳橫一寸豎一倍之入竅三寸總數寸耳其中所受自單詞隻語至億萬言不可窮詰豈不大奇而人不謂奇何也耳固人所共有耳之聞亦人所共能蓋世所常見雖奇亦

常則世所不常見雖常亦奇矣
夫見之常不常其槩在我而輒
以定物品不亦謬乎余觀行父
此書事新而艷詞爽而快怒讀
之則喜愁讀之則鬯撮其大旨
往二使人警悟安義命而絕邪
萌風世回俗所補非小迺拘攣
者見謂過奇或詆為誕不思理

有萬變理中之理徑而易尋理
外之理繁而難朽行父所撰不
過上下百年交游所稱述其於
宇宙不啻萬一余猶恐其寡而
常何乃謂其竒且誕耶晉莊生
少仲尼之聞非狂言也理自無
涯即仲尼安能窺其涯故詆行
父之書為誕者真拘攣也余生

平最喜聽竒談然腕墮踈管城
君不與共事故朝而入耳夕而
出耳明旦憶記輒忘其半夫耳
等也在余為郵舍在行父為府
藏郵貧藏富非其耳異用之異
耳余故讀行甫之書賞行父之
耳又復自罪其腕呼童子進箠
將加焉腕曰幸赦往咎今而後

願以三年報政苟無完書可懸
國門請受箠百余因釋焉且推
之曰腕勉乎哉三年而書成當
遂題曰腕譚以配行父之耳

武陵江盈科撰

耳譚類增自叙

古昔帝王欲知閭閻風俗細
瑣之事故立稗官而三公舉
謠使者采風爰酌人言以為政
登萬里窮簷於殿陛曲旃之上
慮至深矣故蘭臺石渠而下代

必有裨官家言謂之外史以翼
博史莫不淑慝別而勸戒分總
之為魯史之支裔也真詩本出
民間而禮失者或求之野矣老
氏曰民之難治以其智多易曰
游魂為變賈誼曰千變萬化莫

知紀極皆異變之萌而紛紜之故
乃人徃、以不見為無即是以為
無者安能一無所見於其鄉邑哉
乃謂是僅、不知積則成山滙則成
海此皆四海鄉邑之人之所謂僅、
者也且至異不異而不異至異今

夫耳目所接千彙萬態孰能測其
故而窮其理非至異者乎顧習不
察由不知而特疑於不異者過也予
往需次都門羈旅多暇偶有耳談
之紀法沿稗官事則任耳皆可駭
心聊以博笑本無奇而群公聽之馮

凡據案莫非物災本數處幾令
紙貴然實草創不次不備今幕銀
臺遊道日廣日有所聞不律屢禿
鵲正而矢攢饒益三倍遂以畛分
刪複祛陳訛誤皆滌書成名之曰
耳談類增金陵人復索去鋟梓在

昔張茂先讀書二十年腹笥既富
因采百代四方異事著博物志四
萬首漢武帝刪繁定為十卷至
今人尚惜刪者不可得而讀也楊子
雲仕漢三十七年嘗抱三寸弱翰齋
四尺油素於天下上計孝廉郡衛

率會咨問異語即以鉛摘次之於
槧故茂先子雲皆以博識聞茂先
辨龍鮓識劒氣子雲別鼯鼠是
皆其至異者即夫子不語怪而商
羊萍實專車之骨胡稱哉予既
慳於才識潦倒游戲時未沉淹重

以性不善記聞即刊落而欲希慕
古人猶却步而來前也且民不可以
正說者也帝典孔訓炳若日星而
皆聽之貌：語鬼神之事則懾語
德報則喜故是編猶馬圉之說滕
瞽之誦或有懾悅者不獨煩勞翰

墨為卮言已也易為君子謀不為
小人謀小人而君子則君子矣安
得不為之謀又安知其不為君子
謀乎

萬曆癸卯年上澣王同軌撰

耳譚類增凡例

曩歲需次都門哀奇事數卷御史大夫沈純甫先生見之謂為必傳會有餉金者因以災木已而金陵浙陝皆有板今夫弁者馮式據梧皆是物也此耳談之始

耳談漫錄耳又耳不饒諸公因謂何不益而畛分之歲己亥秋罷幕上林遷銀臺給事 殿崔因得奉諸名公談頗饒大冊驟

滿周穆王西還載玉三萬隻不足多也因畛分之迨歲庚子秋在南岡幕蕭然僧舍編簡始定中間僅年餘耳為篇三十二為卷五十四金陵書賈又且購以災木此今耳談類增所由始耳德不備故藻綴之得五篇良猷也精技也可以觀才奇合也重生也可以觀變叱咤者過小者也孟曰有命冥定者命也游泳之可以衡守紀國事僅纖屑曰史胜而胜志六篇因之語曰

使釋迦生中國主教當如周孔使周孔生西方主教當如釋迦
又曰天堂無則已有則君子居地獄無則已有則小人入故仙
釋聖異道而同教而神道亦所以助化人能為善聖仙釋神皆
與而福隆不則反是明幽兩監之而幽益密且嚴不可惧與故
有玄旨諦義神八篇畸墨者無所歸着而錯錄之者也文導以
下九篇紀言者也構杞楚史所以紀惡鬼怪奇衰總之惡又而
至盜極矣故別之以外紀十四篇終焉

語中稱鵬初者華容孫給舍羽侯也著有一松軒醉語習儒者
鵬初叔城武令斯傳也著有紀往恒談二書皆謂因耳談而作
者也肅之者山陰張進士汝霖也板耳談而附以談者也楊子
者黃郡侯蓉江公自名也著有易偕集懋中者黃郡丞會稽陶
公允宜也朗哉者姑蘇顧山人愿也本江者西蜀何主客起升

也繼錢者彭儀部遵古也維敘者易憲使倣之也文興者廣德守何公起鳳也三公皆里人以數稱故識之不數不識也

譽或常過毀則無以諱削草最多即不足諱亦諱矣談者名字不欲著亦不着其事里籍名字以有嫌亦不着特傳其事耳存者常不着傳往事耳

談本以奇耳者也不奇不耳而或病其奇夫奇莫過於常而奇未奇也常之奇略而不察也老子曰有生之氣有形之狀盡幻也吾與汝亦幻也曾察之乎埤史之說近似者無論博物志謂庭湖山桃樹蟠曲三千里有乎無耶夫自內觀外者不盡吾囿於一隅不敢言世外事若謂必無則鷗鵬之蒙莊桃樹之張茂先為誕之帝溟滓乎吾談矣故夫含元殿上尚問長安桃源洞中不知漢晉楊子雲負朝於尚白李太白謂問白是何人則任

之無敢對

耳譚類增終目

卷之一

卷之二

聚德篇

聚德篇

卷之三

卷之四

聚德篇

聚德篇

卷之五

卷之六

聚德篇

良讞篇

卷之七

卷之八

精義篇

奇合篇

卷之九


卷之十

重生篇

叱咤篇

卷之十一

卷之十二



冥定篇

冥定篇

卷之十三

卷之十四

冥定篇

冥定篇

卷之十五

卷之十六

冥定篇

史脞篇

卷之十七

卷之十八

脞志地理居室篇

脞志身體篇

卷之十九

卷之二十

脞志年齒篇

脞志鱗羽篇

卷之二十一

卷之二十二

脞志蹄喙篇

脞志草木篇

卷之二十三

卷之二十四

玄旨篇上

玄旨篇中

卷之二十五

卷之二十六

玄旨篇下

諦義篇上

卷之二十七

卷之二十八

諦義篇下

神篇上

卷之二十九

卷之三十

神篇中

神篇下

卷之三十一

卷之三十二

畸墨篇上

畸墨篇下

卷之三十三

卷之三十四

文尊篇

詩片篇

卷之三十五

卷之三十六

語詮篇

雅謹篇上

卷之三十七

卷之三十八

雅謹篇中

雅謹篇下

卷之三十九

卷之四十

長語篇

瑣言篇

卷之四十一

卷之四十二

中論篇

外紀鬼篇上

卷之四十三

卷之四十四

外紀鬼篇中

外紀鬼篇下

卷之四十五

卷之四十六

外紀幻枉篇

外紀怪崇篇

卷之四十七

卷之四十八

外紀狐篇

外紀寃償篇上

卷之四十九

卷之五十

外紀寃償篇中

外紀寃償篇下

卷之五十一

卷之五十二

外紀逆報篇

外紀誦餌篇上

卷之五十三

卷之五十四

外紀誦餌篇下

盜篇

耳譚類增卷之一目錄

聚德篇一

大司馬劉東山公

張羅峰相業

張文簡公

梁端簡公

費相國

李相國石麓

楊太宰二山公

劉大司馬

太子少保大司馬任丘郭公

楊太師定亂

鄒中丞戒子

許相國

毛相國寄金

耳談類增卷之一

黃岡 王同軌 著

滁陽 夏守成 校

續谷 唐 景 叔永 梓

蘇德篇一

大司馬劉東山公

大司馬劉東山公大夏當 武廟朝劾奏大璫劉瑾專權姦虐
蠱惑聖心罪狀甚悉瑾怨刺骨禍在不測內閣李文正公陰為
解瑾曰先生自來無所言今為渠言安得不從但令渠來跪我
則已李曰不可公聞轉怒曰我為大臣肯見奴乎死朝廷固分
耳瑾以李故竟解忿得允其乞休歸歸後常結行李一肩所需
之物皆納其中作遠行狀亦不言其故有所親密問者曰那奴

不安置我得穩豈能肆吞噬乎久之夜聞扣門聲即知有朝旨遣戍矣即日北面謝恩畢僅一僕負其擔數千里從行抵戍所故事凡大臣就謫居官解享餼牽而公以精忠得罪所司益嚴事之公皆不顧儼居民間聞操團即荷戈而前就伍趨走所司甚苦之無能為計也已瑾誅赴詔歸復職不拜歸隱東山公于城市無閭閻綽楔僅郊外古屋數楹即所謂東山草堂也布衣蔬盤躬耕力食有違牙使鎮其地為門生在百里候之道見扶犁者問曰劉尚書在家否曰在登堂而公入即扶犁者具鷄黍濁醪薦客隣叟窺者猶曰劉尚書今日破費宰鷄也賓主相對一語不及塵事惟相勉以忠孝大節送客出即以棒擊籬作野人喊猪聲曰畜得無快吾籬乎使者反曰劉先生於富貴盡相忘矣夫傳相起畊莘未聞以大司馬歸畊者以大司馬歸畊三

代而下惟公一人莊氏謂必忘天下者而後可托天下公視脫
富貴如屣惜乎時未能相公也居鼎鬲無樓臺已為美稱况躬
畊乎此可以知公為三代時相也又東山父亦侍御居京邸僅
在酒肆賃房二間而東山始成童即以應門有客來頭問父何
在曰入朝去也問母安否曰適在隣家尋米未回其時進士視
政于吏部數人共雇一馬遞乘之到部復遣相迎故少若到常
遲太宰問故直述以對太宰曰今之新進士乃乘馬乎袁禮部
談東山以尚書致仕歸遇先叔考吏部府君於呂王城莊叔考
令諸子出見先太史稚欽在焉衣皆布單東山曰童子着以長
衣乎此成人服也至今家猶稱之

張羅峰相業

世廟自藩邸繼統初議兄

武廟考

孝廟叔興獻帝所謂為

人後不得顧私親也 帝大孝心殊不安曰孝莫大於尊親今
父而叔乎時張公羅峰孚敬為南部主事首發明倫之旨而桂
公夢霍公韜相繼上疏乃伯 孝廟考 興獻帝大合 上意
五歲中立遷為三公而孚敬殫忠悉慮體國不私在吏兵二部
時人所指為美庄肥庫絕不私黨革鎮守裁閹寺清政本日與
天子爭可否一言不允即乞休立乘牛車出張家灣行李蕭然
無長物必中旨懇留遣使數回乃返屢屢如此曾不以遇合固
寵順旨植黨營私其廉潔忠耿匡弼輔翊亦可謂社稷之臣

張文簡公

張文簡陽峰公立朝剛介侃侃正論屹然如山世廟朝蔣皇親
負盛寵殺人大司寇見素林公執法擬死疏奏上不悅下旨曰
着林俊回將話來林即面奏曰臣官至尚書天子無故不呼名

臣為陛下守法而以名稱何罪且法者祖宗之法陛下安得
以私椒房臣又何所執也詞嚴色厲聲振殿陛上大怒禍且
不測舉朝危焉文簡方為學士林門生也旋以君使臣以禮章
進講反復開警以為敬禮大臣堯舜盛德天顏少霽林罪得釋
大臣格君心之非公有焉始議建九廟九其處公奏曰九廟本
同一氣若九其處是使祖孫父子之情不相聯屬不若一處而
九壇不惟妥靈而亦省國費上從之議遂定方以學士里居
元旦令來謁留酌已而學師至今少年高科意不懌辭去公正
色曰廣文為令賓師而不尊尚之非所以重子弟也遂左師右
令盡歡而別嘗聞之尊君卑臣自秦始已甚故其治亦遜古以
君臣不交也林公因上呼名遂抗對過直公乃從容談說使
帝勃怒而布和非有至誠感動不能爰以成君師之美亦回天

之力矣

梁端簡公

大司徒梁端簡公家金陵平生尚節畚甘澹泊為浙左轄清獄
市嚴門禁凡僚幕僕隸姓名皆以圖牌書記令吏輪遞市物必
書其數必面詔市人抵官受值掾吏皆夕殮于堂上侑以青菜
冬瓜蘿蔔惟一味本衙亦然所服圓領用浙蕉極下者束服布
素澣補惟兩袖稍潔常曰秀才讀書做官不要錢是分內事不
可向人說况可驕人端勁亮直城府蘄蘄秉義執憲不苟為同
始守杭適歲大侵時倉無儲而告濟塞塗公云五日內粟賑汝
人皆不省已公訪某鄉某家粟若干籍之出示曰各家谷以半
糴而半官給平價以賑饑又皆徧歷身為之宰大家無苦而饑
濟滇南土苗相仇殺屢勸御史奏惧罪已集兵謀作亂公以觀

察至曰虜相仇殺其常也而贖貨亦其中法也抵償足矣奈何以中國治治之議下當大悅親詣軍門受法事後始知虜情非公亂成矣此二事濟荒撫夷皆有可法告老歸始知有居不踰中人身後子孫益牢落曾孫鳳池公名桂茂以任子作督府都事食貧自昔

費相國

相君鷺湖費公在館局時與閨中某公同事又其同年兩人對奕爭勝戲擊其頰某公不悅然絕不見於言第自踈薄耳公悔日至門長跼請罪某公終不出不知誰以其事聞于其家尊人尊人大怒封號一竹板令公自朴於京邸公又持父書及竹板登某公之堂自朴者三次某公始出抱首而哭公曰罪誠在我公何為哭曰公尚有父督責公我求督責我者不可得也是以

哭耳自是相驩如平生不惟費公至孝而某公之孝亦至且今世求此父亦莫可得也可以嘆世矣王賓敬談

李相國石麓

維揚李相國石麓公諱春芳狀元宰相國朝僅數人而公一也以閣臣考滿其尊人方在京邸封如其子官謝恩班在子及百官上布衣一旦位人臣之極可謂榮遇公性至孝久而歸老兩尊人尚在構東西二園諸縫掖士契擁封君于東園諸衿珮女戚擁太夫人于西園而兩處日必躬行酒效舞班之嘻樂亦析析有子子無厚產封君每為經營公不欲屢以為言曰天生一人祿必隨之豈必資父祖封君曰不然孫衆可不令有糊口庇雨之產乎吾既浮值以購必無腹非之人何損于理今諸任子外以孝廉起家者二嗟乎廣陵自吳淞銅山鹽田雄富而清淑

之氣發為純孝備福若相國故其所也然相國已而目盲其亦
缺陷已完哉公大業別載今以孝志云

楊太宰二山公

楊太宰二山巍海豐人仕族名家立朝介於自持冰壺內儼而
待物恒恕事在別傳予錄其所聞公自作吏侍時即結念於娛
母若退食輒擁輿行花間或戴草帽持鋤作田夫效潘令老萊
故事以發母笑凡他宴集嘗一甘膳輒以進母後以太宰奉母
歸養母年已百四歲本至貴之身奉上壽之母又勇退之早成
大孝之名三代以還恐不能兩今里居漸及期頤玄怡素袍遊
於緇廬聽館鷗鳥可下野人與爭席俸餘無幾而日製棺製藥
普施廣濟匠醫恒不輟手地租殺而廉取每畝金五六厘榜門
曰家人與人毆至人毆死勿論家司徒叔父與交最驩曰天下

有一等人不知紛華靡麗為何物公有焉故其相襦皆藍布食不二載嘗以蜀扇一照已曰此填蜀者故人所貽僅二而一自握耳夫寄太宰以二扇中古未有蓋寄者知其介故也

劉大司馬

劉大司馬凝齋先生堯誨楚臨武人勇擔荷飽經濟談理論道而天文地理兵法風角無不精貫里居即有禦寇功在諫垣風采蜚著倭瀾海上論胡俞諸大帥失律養寇曰有邨之役三帥俱違命然春秋獨罪林父大帥也今正典刑而捨大帥非宜至其上下相蒙政以賄成積習已久節制謂何凜然嚴霜被遠邇矣凡所歆歷樹建最多奉命撫閩累建奇勳如破倭賊林鳳等擒倭奴受郎么那等征木綿峒賊等皆奇若行空易若振搞市人可驅而戰兵士畏法不畏賊有正有奇可戰可守費省而功

倍儒臣建勛自王文成之後僅有馬蓋自治而治兵治兵而治敵非若意突而戰浪以威驅卒以卒嘗刃而敗匿悻成者也自昔用兵費輒不貲尚自寒儉露肘先生破敵積剗金至三十八萬有奇貯梧州諸郡至今東夷西虜兩大戰尚藉以充餉則于身後而功猶在國也又其道德文章與功勛皆相表裏國朝西文成喪欲昂足夫國肥則家瘦予嘗過其家素業敝廬古澹風味而尚聞有以多藏警之者豈有鑄山煮海之術無公私而騎鶴揚州乎不然矣故連城荆璞剖而後知薏苡明珠發而始見至聖不免於東丘而尚白負朝於揚子也嗟乎樓臺海市易幻于談鋒而剎那罪案亦深千口業可漫為之哉

太子少保大司馬任丘郭公

公諱乾字孟陽總督三邊威惠大著多籌算屢獲醜晉大司馬

入朝行李過郵傳僅二扛時論避之居本兵持三尺斷、即責
責莫能執其萬一一日有旨用中官典營務公堅執不可始
罷又司禮某公負盛寵欲封其親以都督屬二相君達意公曰
封親必以子官胡不本監而他乎二相君曰子闕父非闕也即
都督何不可公持議益堅以是忤者衆會北虜效順邊臣請以
王爵封之俾令開馬市公抗疏名器不可假人馬市開啟象端
非中國利時議以定公遂屢疏乞骸歸優游林下十餘年澹泊
著書與野老群盡忘機事錫廕四今惟孫詹事茂熙光宗君與
其叔龔餘廕遵公遺命以功薄賞重非子孫福勿襲此尤人情
所難而遵者為尤難也予謂君恩非區溢襲者是不然不忘君
乎夫和我之利可謂無策當正世任難事所以貽後世安故曰
貽謀 祖宗百戰竟為何者今計眉睫失肩背秦越人視來業

何愚也往者虜幣不過麤疏今耽耽皆繒綺往者貢道迂迴今
國門其卧榻往者邊民自為戰今棄戈弧而別業惟向虎狼恃
堅盟是結繩之治見於腥羶矣賈生曰天下之器置于安則安
置于危則危今不知安否禍及而始憶公言不其晚乎子于此
三致慨焉

楊太師定亂

楊太師溥居本兵時山東班軍赴操既久而將兵者失撫御今
後蘆溝軍苦之呼噪謀作亂時視工文武二大臣聞變適歸反
遇亂兵驚墮馬時太師坐大寺中聞噪兵集門外令人問何以
故軍云云曰語良是令十人能言者入聽處分違者從軍法十
人入太師曰汝等願操乎赴役乎曰願操即牌示各赴操皆鳥
獸散去越三日牌示曰山東軍鹵莽未曉法令某等各率百人

各赴一營聽令既集矣復牌示曰汝等受國恩厚身有所苦當
詣軍門申訴輒敢揭竿亂乎各營即縛其首事者其出餘從
有衆出不意無敢譁而已捶諸人死是時諸軍非太師處置得
宜亂成矣至今都人誦之太師往鎮薊遼善撫士卒士卒樂為
用一日與虜對壘殺傷相當其首功頗足稱捷忽下令曰能奪
死卒歸者賞頃之奪二十許屍歸即賞之而為文親祭之于本
壘二軍感泣效死再戰故有古北口之捷其能得士心類如此

鄒中丞戒子

麻城大中丞時敏鄒先生當正統己巳翠華北狩騎虜南侵關
門失守社稷震號保障之守者在大中丞扼吭於後權重位尊
矣乃先生過遵化作書戒其子瀚千有餘言無非恭謹乾惕涉
世深躬之旨馬伏波戒子擇交以人萬石君責子入閤不下背

有烏而片言不及私媒司馬公事皆可與人言趙清獻行必夜
與天告其先生之謂瀚書謂登牛死恐妨南畝但責以失牧無
所增值瀚窘一牛不能自潤而以屬父則大中丞之為父子自
處與世之所以處大中丞父子無非寒儉斯々禮法皆可知也
諸葛武侯御軍隨身衣食皆取給于軍成都尚有桑八百株若
先生不已甚乎今瀚與先生皆沒々後瀚弟郡丞淪孫大都諫
騷寶是書而羨墻之因錄以告雲仍示手澤之猶存而遂傳在
海內訖今百一十年雲仍二千餘指科與第十有二其人皆篤
行詰士即皆食報之餘亦其式似之驗也家既有祠祀于雲仍
薊鎮復有祠祀于故吏士俎豆百禩可以觀德然當作書於遵
化傳舍籌兵耀武之餘不過家人庸語所謂私書不以視人者
而已炳丹青于後夫其忘家固所以懋勲于國不以天下為故

可以托天下也予錄其書末段曰官府一跡不入外事一毫不為廣結人情薄散鄉里貧淡安身之本清閑享福之源人家有長短不得偷寒而送暖隣里有過失不得面是而背非隨步而行全憑方寸不必東思西想不論爾強我弱看破事情富貴浮華皆為外物有命所拘思之思之盡心以守之云爾

許相國

許相國微時極貧常飲濁酒但取充腹而行長者里人皆敬信之一日醉入卧一家婦榻上適其婦不在而夫至大怒操刃以入見是許曰秀才無他醉耳待其醒慰而送之還後棄相歸里故廬舊社茲於里黨或常徒步儉素如儒生此固其里俗不以貴異而實其德盛禮恭也常至人家款以尋常醪醕則喜為卒醕盛席之招常避不赴所親以忿爭則曲為解無不靡然或為

人厚負而靳為請間於所司則畢力以貲佐之而片唾不可得
久而所親無有以請間靳者嘗以扁舟抵姑蘇徒步造申相僅
一童子擎兩盃相隨門者莫肯為通有識者詫曰此許相也入
白而申相始出延焉兩地人談如此予入仕而相國卒於家諸
門生設俎於都門外哭皆失聲

毛相國寄金

京師魏孝廉琦與山東毛相國東堂公文最歡當相國歸寄箱
二隻於家孝廉即命置堂廡下亦不知所貯何物至四五年相
國卒孫來襲廡始索之問箱在何處孝廉指廡下視之孫意棄
擲若此必無長物既發內貯金千餘兩亦有劄紀其數並謂出
俸賜之餘無不大駭孝廉曰若知內有此即置秘室吾卧不穩
矣高郵守楊太和汝槩談此金始相國不以重歸裝而置孝廉

家豈不欲以累子孫而與故人共之耶然棄之而始存身後取之若外府可謂善貽矣劉豫州顧命於諸葛公曰吾兒可輔則輔不可輔君其自取相國意蓋如此

耳譚類增卷之二目錄

裴德篇二

董順齋中峰

嚴尚書

唐公童子時孝事

劉大京兆

陸武惠炳劉莊襄守有

大都督陸武惠擊嚴奴死

劉莊襄墮馬

邵叅知

郭比部恪菴公

顧大叅况達

陶少宰王大叅蕭司馬熊中丞

胡季山雅量

黃梅川

王侍御復齋子毓俊

許少司馬

督學使楊公

賈中丞

林榕門公

葉留餘翁

桐鄉令金公禦寇

桐鄉江陵二令君

巴河薛舖紙馬

先大父封丘令贈郎中府君

先叔考驗封府君

先考贈侍御府君

陳緝熙編修

趙重華孝感遇父

王世名俞氏

嚴孝子

唐孝子

沙市孝子

遼陽義士金鑄

太倉門卒義士全祥

耳譚類增卷之二

黃岡 王同軌 行甫 著

滁陽 夏守成 克家 校

繡谷 唐 唐 晨 叔 永 梓

聚德篇二

董順齋中峰

會稽董侍御順齋公始卒業太學家無僮奴妻淑人亦侍御女躬執炊爨常乏薪拾穢遺暴而焚之仲子中峰公玘年二十三當弘治乙丑會元及第猶與父共寢始婚之夕鷄鳴猶侍側屢遣乃去至少宰負謗歸自簡重藩臬猶執屬吏禮華亭徐相以學憲入謁設饌魚蔬淡薄盛以大盂黑白相錯數舉筋而別先輩風度如此董玄宰談

嚴尚書

姑蘇嚴尚書養齋公父封君八十餘猶多媵侍時公賜沐歸爰父而防其入室寒暑晝夜惟寢處父齋中父屢因所親屬為異室不聽可謂篤孝其堂中聯云有子萬事足我子作尚書足而又足七十古來稀我年近大耋稀而又稀伯兄純甫理蘇時所見

唐公童子時孝事

唐公繼祿松江人嘗直指我楚年八歲時母性嗜鶩炙家貧不常得偶宴集其貴人宅見鶩炙美不忍食因暗累數片置袖中會其家失金盃一客起自檢其身衆皆如之且及公公曰不須檢盃在我處歸即持上家僅有少田即售值製盃以償終不言以母故有嗜炙之名而持盃客久始曰盃是我避飲匿置山石

隙中以亡酒未及告耳索之果得其家大愧以故償者見還堂
太史玄宰談

劉大京兆

麻城劉大京兆守相始主政南戶部值武廟南巡至都戎服
見群臣因命文官皆戎服接手獨相不戎服不接手殿上問此
官何不戎服接手對曰文官不戎服不接手問汝何官對曰臣
戶部主事劉守相也上吐舌下之曰壯哉竟不以為罪予少
齒所習聞亦人人能言之今諸書若不載即名亦不記矣此不
惟見相風節為楚直臣而上帝英睿大度亦自殊絕其狎群奸
如漢文於鄧通所謂弄臣而法固在相申屠嘉也仲尼見人一
善忘其百非今聞實錄所載悉其悖鄙乃其美善可遺耶若然
夫子之於衛靈公何以曰奚而喪云

陸武惠炳 劉莊襄守有

陸武惠炳在世廟時掌錦衣權寵甚灼而獨加意賢士夫浙中如陶文僖猶其所重方吳公時來與張董之羅杖也吳實與陶同窓友且同舉于鄉時以奉使琉球親屬俱歸獨身窮瘁而君相方怒甚必置之死矣陶痛之詣陸謀保全陸于是日詣司禮三王太監者議事抵暮方出官卒怠散匆々畢杖三人皆得活次日復世廟謂三王曰往時這廝們亂道廷杖住々致死今何俱全着監杖官回話來陸聞之惶窘密與陶計文僖停思少頃應之曰得之矣近年主上刊行興獻帝醫書何不曰往時官人們受杖無好方故多不救自皇考方書刊布不獨廷杖無傷即海內囚犯杖創依方療治無不活者則先帝無量功德也陸即以言奏聞 世廟大孝尊親天顏有喜吁一言而上釋主疑下

全士命旋乾轉坤其利溥哉萬曆間今上林丞洪某為父侍郎公朝選奏辦冤狀受廷杖先是公以勘遼藩事忤當路者意而當路與權璫相表裡欲乘上怒斃杖下時劉莊襄守有總司隸獨惜之曰殺人以媚人我不為且某欲死父固偉烈男子也于是以他事延逗至暮禁且下鑰為權璫耳目者皆奔去始受杖八十自不死自莊襄總司隸活名貴人甚多海內至今稱之

大都督陸武惠擊嚴奴死

陸武惠炳於世廟以藩邸舊恩柄任權傾一時而亦廉劾自好無所偏諛嚴相子侍郎世蕃黨國崇賄奴嚴龍嚴虎等橫甚擅自攝郡司理泥中司理以狀聞京師公得之知蕃之黨庇奴也不言世蕃結姻姪於公以固權寵公詞知二奴正入京以好招至謂觴之也奴着大雲段襖施施而來是日公坐法堂出狀

數之曰汝凌上若此其魚肉里黨可知不虞族赤乎且大雲段
貴人之服而衣奴不見我家奴褐布且不完也肉骨一家吾為
若主屠鯨鯢耳呼力校各擊脊一百棍俱死而即往論蕃稱身
為門下忠臣蕃蘊憤不敢對獨相出頓顙謝曰此我真親家
世廟英毅神聖嵩為相當其意而柄相者蕃然不過小人之才
實以其禍陸與親而不昵得之然何若其不與親也

劉莊棄墮馬

劉莊棄守有頗受知主上休度博愛司訓察而所庇佑人人
也行市中忽承突馬驚墮地肥重傷甚頭上玉簪深入頂骨至
簪斷輿歸昏眩夜半始甦問豕主者何在曰已繫獄矣即命釋
出詣榻前問曰人衆得無散爾貧資乎曰未也轉令無恐釋之
後公歿久嗣延白承禧赴武場試有一人向鵠叩首流血每登

箭鏃曰願我主箭中又一叩首時予里諸君皆集見之笑曰是
人為諛佞誰知者已其人曰我即往豕主者得老恩主不死故
夫婦常時禱願今以試來耳豈冀人知乎衆始嘆息是年延白
中第一當事者嫌為貴胄反置次又聞所驚馬值可數十金是
時一幹奴乘憤即持刀斬馬首狂哉非大金吾舍人莫有也此
直其人一斑亦識之齊桓公飲盜馬者酒三百人而難解趙襄
子以一壺殽得二死士是人非其小近者耶

邵叅知

南都一先輩邵公某素性廉潔到處有冰蘖聲最後叅知滇中
已告老歸裝橐惟平日冠履卧具他無一物其夫人儉德亦固
從公若干年積俸餘造金耳璫一雙著之公一見問何從來夫
人以實對公故取視而投之江曰吾平生無長物今宦成不宜

累我至某地風浪大作長年謂例宜有祭公問何神長年曰一
為丁蘭一宗三公曰丁蘭孝子宗三必其傳儼宜知我者竟不
祀而舟危益甚忽一楮面金甲神自稱宗三登舟大怒歛弄風
浪公但為詩曰來時此行李去時此行李葬我此江中不負此
江水吟畢風恬神即不見顧朗哉談

郭比部恪菴公

博興郭公恪菴大倫嘉靖乙未進士三令靈壁華亭通許再丞
揚州淮安皆巖邑大郡歷南刑部郎致仕歸平生清介飲水處
處垂橐故其歸無可生活賴課生徒得薪火同榜大銀臺李公
徵江先生往謁閉戶不出強入則短衣危坐必假于隣得長衣
始成賓主而忻然不以介意也昔袁安僵卧有洛陽令除雪入
戶遂為故事郭比部短衣貧不尤甚乎得李先生強入始有聞

又皆京輩人足為故事京輩塵十丈一塌冰壺隔斷矣二公資
予年家大人會席間恒言及此

顧大叅況達

顧中孚大叅壽至八十九與徐相國存齋同里最相友善而齒
過之相國卒大叅往吊抵几筵前但以指彈棺者三曰我不久
且至相聚有日不作禮矣董太史玄宰談人年高益多諱甚有
惡聞棺而失備者有廢吊唁者皆不達者也若顧公可稱度矣

陶少宰 王大叅 蕭司馬 熊中丞

吏侍陶公大臨廉而不嗇家故饒以佐官用猶不給葬之日僅
存賜金一錠不足以殮天曹故事三堂歿公賻二百金公子允
宜邵之曰父固不以存亡易心竟襄事遠近遣奠無所受門生
故吏乃合三百七十金托山陰劉令致之却再四至封貯十餘

年後三學師生請營祠祀少宰允宜乃出所積為費既不沒人
惠又不煩官民一錢大叅王公懋德卒于閩遺命勿受賻諸司
不欲廢故事復贖六白金往奠于家其封君後峻邵曰吾即羞
奈何以六白金傷吾子之義皆返之故其時聲宦囊幾不能治
喪又左司馬蕭公允卒京邸其子扶觀歸遵父遺命亦不受賻
三公固自愛其身見於考終而其父子能於戒得之年均索之
日成其子父之義亦何卓越易惟敘談武昌熊元乘中丞破粵
寇卒于軍其子明經熾奉父命賻一切却何世無賢第叔葉芬
不易揚耳則

胡季山

臨江胡季山嘗謂人曰吾祖秘校一日與客圍棋有村民惡声
相加問之曰來算薄公曰少待未幾其人直前推局大罵客不

堪怒公徐詰曰想汝不欠租欲勾簿乎曰然公即取簿勾之仍與斗米遣馬還至半途過其妻抱子號哭而來問何以不死即言其故入門氣絕蓋服毒來也不忍禍立見也無故凌上公已揣得其情此正可書紳而銘座也

黃梅川

黃梅川諱潮晉江人純德質行平生不與人爭不妄殺一生他善皆類此人呼黃佛七十瞽雙目諸醫不效已數載忽一人至曰是可治也以刀刮其翳皮一層傳以藥戒五旬勿出授以背不受去不知所之如期目重明能燈下穿針朗然童子人咸異之以為必神焉年九十二始卒姪大中丞黃彭湖先生談

王侍御復齋子毓俊

王侍御復齋公嘗買妻困于姑妻公出按時幽閑一樓上餓且

死妻之子毓俊甫八齡給母曰餓死人人謂不賢不如日食以粥湯一盂令其徐々自死可緩謗也母從之而俊陰以小布袋藏麪食魚肉乘進粥時食之得不死逾年生一子侍御潛育于張總兵家及侍御卒俊撫愛其弟特至易惟效談

許少司馬

許少司馬孟中先生始解吏部郎歸盜入室發橐橐然如洗乃恨其廉縛置几上而穿几作孔炙之陽一盜獨曰廉自其天性何苦乃公為得解先生已屬目其人衆挾先生送抵江上俄而盜獲先生困沙甯恐死命赴邑庭人莫知其故先生指所屬目盜曰是恩我者不然死矣故是盜獨得活

督學使楊公

祥符楊公一中節自少娶瞽女情極嫵婉嘗剖符黃郛于其行

忽見好女侍側問為誰夫人曰為公買得以廣嗣耳公曰夫婦本以兩合而以少艾叅之如倫何出一嫌立命與其女去曰明日即非所以處爪李嫌而為女累矣治黃清簡一如敦倫長化而坐鎮有汲長孺風又能折節予布衣其以覲過里獨張予所贈言於堂中而質有其文耶

賈中丞

賈中丞啓之二世居比部晚始解中丞節歸籍吾里有屠人失猶疑公家匿之詣門罵曰流氏公但曰我家塋名賈恊何謂流或謂何不以屬有司公笑曰有司之法不如我屬蓋已過治之矣或不肖不一月屠人毆人死抵罪毆時自曰賈都堂且俱我况爾哉後司敗治益深亦以此語然後人知公所謂過治者乃不治之法也其應如響矣又解節歸日即命幹奴去長衫着短

衣負擔取薪或曰何驟乎曰事在初始習則自然今以舍人歸里人待以舍人長衫遊閑妄自侈大而始令取薪怨不堪矣且歸來漁樵皆我事可令兒童不堪乎又自置酒樓于居後委巷間曰吾無以貽子孫後世鬻酒猶可生活也今居已累更主獨其酒樓猶存其孫叔敖之寢丘與

林榕門公

今安慶守莆田林榕門公兆珂與其再從兄兆瓚當垂髫俱擄于倭瓚肥公癯賊以為從人也質瓚而遣公歸索贖金二百公曰瓚我兄也家稍富且卑傳又新喪我貧多兄弟倘我父妄聽人言利其貲不贖則瓚死質矣且瓚外腹中枯贄三日亦必死不若質我遣瓚歸便賊許之瓚歸越二旬贖不至賊以為賣已怒閉公一室絕食五日更加枳櫬自分必死忽夢瓚父少華公

携一故僕來勞苦之啖以飯肉亦自咀嚼既醒腹遂果然齒縫
尚溢餘肉時賊謂公必死啓室視公亡恙形色猶王以為神復
食公移營渡海隅攻破一衛城一土堡恨公贖不至遇益虐縶
在一小樓忽空中呼曰十二郎人至矣至矣明日家老嫗携贖
金二百至公得渡海歸老嫗得抵公所而金無損覺常有陰庇
指使者十二郎公小字也甲戌公登第以茂宰擢異起家部郎
歷今職云夫丹徒少異同胞九死忽通一線而篤念鵠原甘留
虎口仁何至也已而絕粒幽囚移營渡海鬼關兩隔鯨力難翻
齋重一嫗何由飛達乃冥叔以生已子遂援猶子時時濟度處
處津梁力挽歸航重開貴冑一餌勝瑤島鱗膏能通過上林隄
音矣

葉留餘翁

留餘翁葉南巖廣信人仕至都守正德戊辰有盜葬其先冢而
其家果被小災已覺之棺有棕裹骸骨時翁尹浦去家僅二日
家人以聞且欲棄骨于水火翁傷悼不令棄骨曰此其子孫貪
富所為非逝者罪瘞之可也且禍福有定數豈人所能為乎已
其家皆無恙身歷宦金緋子少巖歷南少司寇久始知盜葬者
為族惡少已犯盜繫獄染疫死家無子遺夫翁之不仇仇者之
親正以命定定情于內即此可以觀仁此天之所以反中貪者
也予家先墓被盜類此其人亦竟敗絕尚有餘慍觀翁言而灑
然冰釋矣

桐鄉令金公禦寇

始倭寇起海上金陵人金燕令桐鄉謂無城莫可守始建議成
城城成而寇至先是阮中丞宗將軍自杭往守皖郡遇寇於皂

林宗將軍才勇冠世斬艾虜甚多然麾下皆散走勢孤遠躍馬
蹈水中死阮中丞聞變率所部京兵僅九十人以餘艘奔赴桐
鄉而寇亦猝至寇易桐鄉四面環而攻之然金令守甚固得阮
中丞兵矢無虛發又鉄汁所中無不力死已寇擁衝車薄城車
柱高於城而橫木懸有板屋屋皆有門自空下射守者奔避適
一徽客大醉以灰砲擊之敗去又縛竹為梯期旦日鼓而登城
一夜盡為城中人盜盡又向水門連舟四五而蒙其上中懸大
木洩而撞城城破數丈城中始奪氣散走金令及阮中丞皆欲
走學宮為縊計會有獻策者絞帛為圈置撞處竿至令大力者
挈而上之遂不得近是夜又募善泅者舒某入水盡鑿其舟沉
平旦寇見呼曰高高計窮走使往來索金帛萬計又不可得退
去寇大略二萬人攻城者四十六日死傷者十之二而城外人

殺掠且盡以四郊皆水一命不可逃每殺人必群縛於城下屠割以示城上若償彼死者命必十償一也城之不破固幸而始成城尤得先事寇退令糴給舍以去宗將軍亦建廟自皂林英靈特著伏臘奔走百里令亦別祠祀焉馬健甫談其邑中事

桐鄉江陵二令君

桐鄉龍祥寺古栢千霄而胡梅林督府方以軍興法繩所隸其客某公談理者因請伐作棺用移文下縣尹金公燕獨抗不聽久之樓船過河下尹上謁胡公大怒庭折之尹不為動忽見請者探首窺於簾內尹即大罵無恥貪夫敢如此擅乞官物予奏汝胡公竟不能有加嚴張相國請假還江陵尹徵人魯公來謁踞上席既出而藩臬大寮皆集無敢上席者已聞尹如此以為言尹曰老大人呼知縣知縣跪拜分也相國呼父母而父母側

席乎後兩公皆首薦得高擢

巴河薛鋪紙馬

黃郡蘄水薛府尹均永樂時人住巴河鎮平生清苦上亦甚稱之案無一錢在任積俸置紙馬板二副以遺子孫今巴河薛鋪紙馬獨易售人猶稱薛府尹紙馬可謂厚于贈矣何文興談

先大夫封丘令贈郎中府君

先大夫諱 字體仁贈戶部郎中始成弘治己未進士授封丘令封丘厲後徵發繁苛又孔道困郵傳大夫剡調而祗席之一切與民休息恩信孚洽租賦不期而集豪民孟遵恃資上購而下漁至是憚威逋去重逮之至急懲之令改行竟為良民地故薄民復情令植桑業蠶訟者以植桑贖罪蠶桑始盛一日曉出候大吏返而邑前民照鏡不輟喚出撻之曰一日之計在辰汝

但照鏡何以糊口聞者咸感奮力作此覲踰黃河見數十人為
耶許之歌舉大木而蒼頭奴乘馬鞭役者其後問知為太宰馬
公文昇治宅役者大父停車執蒼頭奴重撻之曰汝主為今名
臣役民治第若固朝廷赤子方喘汗佐努而汝坐鞭之乎因欲
具奏或勸止又或謂得罪太宰往必不利大父曰吾知吾民安
知吾官及與天下計吏庭謁太宰太宰忽出席曰誰為封丘令
大父曰令是曰賢哉今愛國且愛我不然吾安得聞過因揖之
千官一時回首直聲遍京邑舊弁競求識面應接過勞成疾歸
邑內詔命下已捐館矣耿天台先生曰不惟無是令亦無是太
宰所謂休休有容非與自予習事而諸父兄皆淪沒不及攷鏡
大失治行然稍、問消細於童稚謂歸橐俸餘僅七十金又從
兄子得大父寄大玉父官中書仁愛清白艱苦別是一腹臟因

以十襲父之從姪家汪啓西得聞後令封丘者里人葉君謂至
今河南北稱封丘綾則自大父始往歲需次都門家兄喜甫顧
予病于旅因拉與偕歸阻風黃河待舟岸次見沿岸皆柳榆獨
一村為桑異之已見邑界牌稱封丘相顧沾襟此固大人憇謁
之地能無敬止之思乎邑人久食其澤亦自愉快

先叔考驗封府君

先叔考驗封府君諱濟字體民為泰州府君孫成弘治壬戌進
上厯驗封郎中嚴重敢言靖共不貳不以色漁取人歡名公卿
皆稟度焉然過直少容出叅河南政不就拂袖歸田而爰日以
事尊人足跡不入城市屢薦不起樂衍衍如也創義田義館收
族教課子姓仲子太史與猶子多捷鄉書而繩以禮法益嚴鄉
丈人敝衣踞客席諸子侍立終日或上食無敢有惰容澹泊蔬

布不異寒素至慕義行陰德不遺餘力有鬻女償官糧者為長
沙吏吳某而哭甚哀府君聞之即蠲金為代償仍具資斧為
歸閭計女贖得欲叩謝不許里有掾誣於仇成遠道嚶然稱冤
適其主者觀察過訪即與言得解主者謂掾曰我知王公平生
無受賕事故汝冤得解也掾尚不知誰何即得解亦避仇逖家
汝上一日府君使過汝迷大雪夜不得舍獨一舍又拒客不納
第問汝何許人使以黃岡人對曰既黃岡人知王郎中乎曰即
其使也于是啓戶率妻子羅拜具殮因引視所供祀府君名爵
曰我某掾啗恩者也使亦不識誰何每歲大寒暑必簪計獄累
因而厚貽之食病與藥可贖與贖廩索常虛歲大飢穀價騰貴
獨府君家價常平戚黨因而舉火者亦常徧如此則寢得醉然
戚黨咸私相戒勿為不義恐王公知身居畎畝談不及世外然

輶軒使望廬常屏唱騶有汝南許子將減袞本初車騎之風居
親喪兩庠青衿累百人徒步赴吊其貽郡侯書嘗見其遺稿一
帙大草數行云老夫灌園得嘉蔬敬因使致數本真野人之芹
以獻至尊也此皆可見當時美俗不獨府君為德已也

先考贈侍御府君

先考諱字推占舉自先大父封丘署中會大父卒官故有終
身之思而事大母曲盡承歡少讀書日不數行而專信人司封
府君因以參魯稱之捷正德戊子楚書上春官者七皆不效竟
不仕平生一無所嗜獨嗜書每北裝歸累月滿駝皆書也素室
木榻篝燈熒熒佔畢白首居常廩廩望之凝然自然令人起敬
中實樂易若承景含光不見其跡不善治家人產而好賙人之
急多與善散不問有無歲旱必收道殣恒累十百又好豐客饌

常誦李青蓮黃金散盡還後來之句以自解居室在仲父先而產不逮什一亦不屑曰較後來我必贏也若謂善慶云于時戚黨有少過恒畏府君知而府君獨友王孝廉東直秉直清節又為府君所畏門所納履不過二三人耳秉直卒廬火且及棺府君率家奴自肩棺出鬚鬢為燎嘗在都市見大父已未科試錄即解千錢購得鬻及同行者皆駭曰所需十錢足矣府君曰先君名在上又有手澤為遺物寧惜刀布乎歲旱必啜粥茹蔬曰天之降罰凡為天民皆宜承受何論有無家群從中以祖儲閔而左臂府君府君避不從反讓以不義厥後互訟數歲肝膽楚越王氏之孝友頓衰責有所歸焉山中有遠族叔母歲必一至家踞堂上兒呼孝廉婦呼先孺人重以叱詈責取供奉皆敬事之不違好教責人過直人所不堪而人無愠懟以其情誼肫切

通共有無不徒以攸攸之情支吾所親已也於少者卯幾殞而翼之又比比矣好相人多奇中有客自山中來一見即曰公面色頗不佳可歸矣其人不悅然知其多奇中強歸及門卒背語人曰此死氣也當棄予藐諸孤獨伯兄甫弱冠皆以相決後來皆中平生於公府無私謁晚益甚然大府皆聞其名過必式廬觀察劉公重以款門或常與里人質成里人得一言榮辱如衮鉞既卒皆為垂涕往以為諸儒所舉俎豆賢人之側以伯兄拜江西道監察御史贈如其官嘗錄古言行自勗而性急常惡發猶之佩常秉直晚與一儉父締姻儉父嗔其苞苴不腆標使者出遂憤鬱以死夫廉者必貧安可以財論府君常為扼腕云

陳緝熙編修

吳人陳緝熙父鑑任某官以謫戍遼陽卒母不得歸從百夫長

矣。緝熙少穉，念衰慈旅，輒至涕泣，刻苦讀書。成戊辰進士，除翰林編修。即表求使高麗，以伸已志。及還，果與母及柩偕。可謂志士孝感矣。

趙重華孝感遇父

趙重華，大理人。年七歲，父庭端棄而挾青囊術，遊湖海十五年。不歸。是時重華母死葬矣，又嫁一姊一妹，而思父不已。日夜啼噓，因請符于郡書。父名貌里籍，千紙茫然。千里尋覓，誓不見父不歸也。所至標紙逢人，咨問謁神，控禱迺遇。入武當，躡太子巖，見巖有字曰嘉靖四十四年十二月二十二日大理趙庭端朝岳至此。而重華至其月日正同。大是佳兆。因亦書曰萬曆六年十二月二十二日大理趙庭端子重華尋父至此。已歷南陽、潁、壽、淮、泗、金陵，亦屢感玄帝夢曰：汝父亡恙，抵毘陵，盜復劫其資。

盡且行且乞次皂林觀音寺見一老僧扶藜來雙眉覆面殆是
百歲人謂曰孺子何來重華述所以曰汝父亡恙客無錫南華
寺汝第往仍令道人導之至寺見幡然叟心動而不敢言但道
所以及出胸所懷郡符叟亦自陳里籍于是兩相抱哭曰我父
也我子也寺僧遊客無不聚觀洒泣稱神力云茅鹿門先生有
記遊人題壁意在來者庭端孑然將誰貽乎乃實符兒至日其
無意之意偶而不偶也藜杖仙人身為導師冥冥昭昭其合也
不翅象罔獲玄珠矣故至誠之感金石可通

王世名俞氏

王生世名武義人父良為其族俊毆死已成訟而傷暴殘父屍
復自罷仇從族尊者之議割畝以謝則受之而歲必封識其畝
值藏之人不知也仇以好來亦好接之不廢禮也而已陰鑄劍

錢曰報仇自佩矣其繪父像亦繪持劒者在側則已也人問之曰古人出必佩劒也凡四五載得遊泮而兼抱子矣始謂婦曰有此呱呱王氏之先不餒所以隱忍而至此者正有需也今固死日尚有太夫人下有嬰兒責在汝遂伏劒出斬仇頭于蝴蝶山下歸拜母曰兒死父不得侍母膝下矣盡出其所封識之值及劒自造縣請死是日邑中無不人人髮鑒者尹陳君傷之令且就開室以聞于諸大吏以屬金華尹汪君大受決之汪君子郡人廉得其狀益用惋悼令視其父屍意蓋謂父傷重則子罪緩所以生生也生曰始惟不忍暴殘父屍故自死不然仇死耳豈有造罪彌天而復失初志者何愚也今日宜自殺造邑庭來受法耳但母恩未斷斬歸別母汪君縱之歸而身隨之猶欲伸法如前兩學諸生數百人皆憇憇之曰必如議乃生已不食觸

皆死矣爾尹皆下泣諸生哭聲震天當生之飲恨于嘻笑而誓必死也他人不知婦俞氏獨知之曰君能為孝子妾不能為節婦乎生曰女子何易其言婦曰安見女子而非男子也及生且死已欲從地下生曰已屬汝堂上叢中矣何死為婦曰為君忍三歲逾三歲非君能禁也逾三歲婦果絕食死始其家欲以生柩歸窆婦不可至是以雙柩出合葬焉直指馬君以其事聞于朝下旌門之詔曰孝烈汪君識其事甚悉有為別議者曰俊為世名從兄無可殺理而辨之者是皆辨乎其所不足疑也仇在父安知兄生之處此極難必於是義始盡子者親之支非固不忍暴父屍而忍自殘親之支者婦其激于餘風者也

嚴孝子

安吉嚴某以罪戍遼陽去後產遺腹子即孝子也年十六居常

涕泣毀瘠母問其故曰兒思父也遼陽千萬里願獨往尋覓母從之為具金裝令一僕與偕半道度險嶺間察僕色動疑之因好與語而急發其袴間得利刃僕惧奪刃因乘便勢刺僕中腹死自是擔囊獨行抵遼陽偏尋父不得而涕常盈襟袖人皆憐之有丐者過門或戲指之曰此而父也其人無衣以蓆蔽躰即役于官餼常不給則行乞於市孝子視其貌頗類已因詢其家世名字實父也輒長跼抱泣舌舐其垢扶將上堂洗沐肴饘豆觴進親奉匕箸窺者盈戶皆為感泣數日著敝衣身代力作衆悅其孝爭為代傭居月餘散金諸徒營子母錢為父計衆益德之已負父從間道遁去久之始覺或欲追者衆曰還則償金何追為還家雙白偕老至大耋吳光祿寧伯談

唐孝子名治始江西之清江人僑居吾里團江孝子起家功曹掾而實儒行孝謹守禮言動退讓人稱酸秀才父尚儒亦以德稱年九十卒孝子苦塊未除而隣家火起火勢獨熾旱歲木性相應不必延接火皆自發頃刻千餘家皆盡始孝子盡出資裝募人出其父柩而人心駭亂無應者或挽孝子出曰尚何待為孝子曰父柩在此我死不出孝子居絕無障蔽然歸然獨存而孝子亦以薰炙伏棺死棺上皆成血掌痕憶其急時撫柩曰兒在此也事聞有司為旌門孝子婦桂氏鞠四孤之屏等而食貧辟纊不忘訓迪唐氏之後或有興者吾嘗為孝子傳久已失稿尚能記憶補載於此東海之火糜竺家獨存行火之使已知為善門孝子宅巋然獨存故知不偶團江囂囂之地而又為輜軒孔道倘仁人停軒存問或孤嫠奉米肉之貽亦化俗之一機也

沙市孝子

荊州沙市有老嫗子極孝家貧業織履養母一日嫗病劇思得肉食而大雪履無所售乃自割左臂肉食母頗多傷重母病愈乃自死其時權木主改朱公夢一血臂人入衙而腰產子呱呱聲聞矣頗不怡明日街卒報沙市孝子事令人覘視血臂正左尚在牀箚還報復大喜以孝子來生必祥也即為營棺葬先是孝子有兄鬻其大叅家與贖歸養母而仍為給其生計直指使因契其楣自為文屬博士諸生祭之曰為人子以此心事親則為孝子為人臣以此心事君寧不為忠臣云爾嘉魚方孝廉談今邑有張孝子碑墓

遼陽義士金鑄

世廟末遼陽金鑄者督府遊擊王世勲騎士也世勲奉檄率衆

禦虜於塞外被圍互相殺傷久之衆且盡鑄獨破圍出顧見世
勲尚困圍中奮死復殺入救世勲與俱出世勲馬忽蹶即以已
馬乘世勲而身步戰歿其後故世勲得免援不至身獨死吾友
李文甫客李督府幕中所見云鑄之死主勇烈可貫長虹而出
捷兒死隨蔓草然其人志固不在死名世亦莫有能名之者今
且數十年予乃名之曰義士金鑄則竟名之矣

太倉門卒義士金祥

武昌大中丞熊公桴始守太倉以倭亂罷尚奉旨討賊自效有
故門卒金祥十餘人從忽戰敗兵卒皆鳥獸散獨祥不去公曰
我死國分也爾何為乎祥曰公死國小人死主亦分也竟殿公
後過橋盡而寇已登橋祥慮公必不免奮死下橋肩而摧之橋
壞寇墮水死者六人公得免已以屢捷晉公郡丞討賊如故一

日與儕酌于郊寺中祥忽大呼曰寇至矣蓋其全氣見也衆
驚騎從皆失忽有乘馬過者祥推墮其人以馬乘公而親執其
御馳躍雲中人馬足皆不在地抵城祥嘔血數升他馳者迷道
反遇寇死祥識道故又得免一日與寇對壘寇悉銳攻我軍鋒
少却公堅壁而祥又常翼公寇不得進却因奮擊得大捷又一
日傳殄舟中公忽心動曰寇至矣祥佐公登小舟走未交睫而
大舟寇據矣祥又以識避地得免而他走者又多遇寇死公在
海上大小三十餘戰斬首虜三千二百有奇祥未嘗不在屢經
險得脫祥力居多事平以為郡掾公橐常無饒而未嘗不與共
有無後以大中丞為國平三大難語及輒垂涕念之祥者義士
與其力亦足相副較之任安馮驩失勢不去其難十倍未可以
細小人忽之而亦可覘公善撫士卒能得人死力有古名將風

公伯嗣可徵熾自有傳與子語詳略稍異蓋往亦聞之中丞公云